



London 163


163

-----


163  
163  
163



DE RERVM  
VSV ET ABVSU,  
AVCTORE BERNARDO  
FVRMERO PHRYSIO.



ANTVERPIÆ,  
Ex officina Christophori Plantini  
Architypographi Regij.  
M. D. LXXV.



# ILLVSTRI AC GENEROSO

CHRISTOPHORO AB ASSONVILLA,  
Domino Altavillæ, necnon Regiæ Catholicæ Ma<sup>tes</sup>  
in supremo rerum Status priuatôque concilio, Consi-  
liario digniss. CHRISTOPHORVS PLANTINVS

S. P.

LENIRI salibus grauiora negotia querunt.  
Namque nisi interdum, pressus gravitate laboris,  
Tu recrees animum, victus sub mole fatisces.  
Hinc meriti pictura mihi solatia fesso  
Suggerit, ac oculos animûmque ita pascit, ut eius  
Illecebris captus pellam de pectore curas.  
Ars etenim illa suis que dat monimenta, per annos  
Perpetuos mansura, typis excusa, sorori  
Huic vni, fugiens aliarum fœdera, iungi  
Exoptavit, & hanc propriam sibi iure locavit:  
Ut prauos hominum mores simul vtraque carpat,  
Et doceat quos ambitio sceleratâque mundi  
Blandimenta tenent, cæcâque libidine raptos  
Rectum, qui ad celi perducit sidera, callem.

Ergo dum potiora paro monumenta, tuoque  
Nomine digna magis, claris virtutibus atque  
Artibus ornato tibi nunc patiare dicari  
Quas damus effigies, hæc ut documenta sub isto  
Vulgata auspicio, tua morum exempla secutos  
Delectent; quin & nostri sint pignus amoris.

I N mundi cauea fortunâs alter abundat,  
Alter eget, medio confisunt ordine quidam.  
Vivere quisque putat misère quem cernit egentem;  
Fortune vitam mediocris ducit acerbam:  
Vocem felicem pleno declamitat ore  
Quem spectat pulchris opibus splendere beatum.  
Hinc tenatur opes intentis viribus vnus  
Quisque, parum curans quo iure acquirat easdem.  
Stulti mortales corrupta mente laborant:  
Non etenim est extra pellem, sed conditur intra  
Quod iuuat aut vitam contristat. Cernere promptum est  
Omnibus in vicis locupletes flere proteruos  
Non minus, ac tenui quorum stant omnia filo.  
Quo quisque est maior, magis est obnoxius aegre  
Stultitiæ; magnos tritari sæpè videre est,  
Atque casus humiles latari & vincere latum.  
Non itaque externa faciunt te sinit beatum  
Dignitas, cum non erectum sternere possint  
Aut recreare queant animum maerore iacentem.

Melior



OPULENTIA NON EXHILARAT,  
*nec paupertas contristat.*

Melior est buccella panis cum gaudio, quàm  
domus plena victimis cum iurgio.

*Proverb. 17. 1.*



*Mens hominis variè rerum simulachra figurat:  
Hinc non luxuria dicit Adamus Eden:  
Itaque non nas tolerat nec sentit amaras,  
Sed lectum facit cepitque esse sua.*

V S V S

Vsvs fortuna rectus fert commoda secum,  
Latitansq; parit, cum contra vilis abusus  
Cum damno meritas confert in tempore pœnas.  
Ebrius è sano morbos & tormina vino  
Elicit, illius finem quia nescit & usum.  
At sapiens rerum vires qui nouit, amicam  
Lethifero nouit vitam seruare veneno.  
Laeto animo sanus graditur deserta viarum  
Obsita depretis, cum duris sentibus ictus  
Pes lectum plumis fartum contemnit & horret.  
Qui glady tractant aciem, leduntur ab ipso:  
Qui capulum stringit, non se, sed vulnerat hostem.  
Omnia prudenti cedunt, contraria stulto.  
Per se paupertas, nec non opulentia diues,  
Nec bona nec mala sunt: at stultos utraque ledit,  
Cum frugi rectè, sapienter & vititur illis:  
Tantum vsus discrimen habet secretus abusu.

Si oculos

AB VSVS TRISTITIAM, VSVS VOLVPTATEM PARIT.

Si oculus tuus fuerit simplex, totum corpus tuum lucidum erit: si autem oculus tuus fuerit nequam, totum corpus tuum tenebrosolum erit.

*Matth. 6. 22.*



*Diuitiis locuples Dominum collaudat Iobus,  
Oppressus plenus laudat & ore Deum.  
Vtilis incurctis pietas est: omnia puris  
Pura, sed impuris sunt male pura nimis.*

VSVS

V s v s eget modico, valeant si corporis ar tus.  
Victus alii corpus, vili si veste tegatur:  
Et parui constat victus quem condiat acris  
Esurics stomachi, tegit & sine murice vestis.  
Qui cultu victusq, caret vel fonte salubri,  
Ilic eget atque caret rebus, quarum indiget usus.  
Si verò cultus mensuram vincat & vltra  
Quàm satis est tendat, iam non natura sed error  
Inualuit, querens poscit quod dira voluptus.  
Si caligæ demas stricta quæ cruribus est par,  
Absurdam facies, & fila tenacia rumpes:  
Si laxæ demas, poterit seruare decorum.  
Vfus habet strictam, persuasit opinio laxam.  
Hinc multi quamuis teneant immensa potentes;  
Attamen & multis se credunt semper egere.  
Et contrà (quoniam contenti viuere norunt)  
Exiguus multi letanti corde fruuntur  
Non aliter quàm si locupletes multa tenerent.  
Falsa regit mundum persuasio multa petentem.  
Falsa facit miseros persuasio falsa dolentes.  
Felices eadem persuasio falsa figurat.

Initium

QVID SIT EGESTAS ET OPVIENTIA.

Initium vitæ hominis aqua & panis & vestimentum  
& domus tegens turpitudinem.

*Ecl. 29, 28.*



*Pauperie cruciatur Achab in diuite regno  
Nabothi vites cum cupit esse suas.  
At Paulus diues sub paupertate videtur:  
Omnia diues enim qui facit apta sibi.*

B

PAUPE-

**P**AUPERIES merito culpaꝝ accita dolentem  
 Aggrauat, à Domino non deuenit illa, nec vsquam  
 Nascitur; in stultis tantum primordia sumit,  
 Qui sua consumunt, vel non seruare laborant  
 Quæ quondam magno parci sudore parentes  
 Congerere in cumulum studuerunt nocte dieꝝ.  
 Prodigus eximio victu, cultuꝝ triumphat  
 Suprà quàm vires patrimoni ferre queant, &  
 Euacuat loculos dum querit largus haberi;  
 Et dum largus ouat, quesitam sæpè repente  
 Sentit egestatem nullo solante reiectus.  
 Qui bona non rectè custodit, & omnia passim  
 Negligit, illum etiam per sæpe trucidat egestas,  
 Contemptumꝝ facit dirum sentire dolorem,  
 Quod nimia inflarat securum copia rerum.  
 In medios dormire dies qui gaudet, & omnem  
 Horret sudorem, cumulumꝝ exhaurit & vrit,  
 Induit hic sensim personam pauperis ægram,  
 Atque metum præter quid sit penuria sentit.  
 Comminuis magnum si nil adiungis accruum.

Vacantes

PAUPERTAS COMMERTA.

Vacantes potibus consumentur.

*Proverb. 23, 21.*

Anima dissoluta eturiet.

*Proverb. 19, 15.*



*Prodigus à luxu vitam traducit egenam:*

*Crescit socordi farris auena loco.*

*Ostia virginibus praecludit inertia somni:*

*Hec tria pauperies semina digna capit.*

PIGRI-

*PIGRITIÆ vitio plerumque laborat egenus  
Quem prælargæ fouet stolidi miseratio vulgi.  
Hinc piger aut spernit verecunda frontis honorem,  
Aut animo elato scelera & malefacta frequentat.  
Inuerecundus amat numum, ventrisque gulosi  
Delicias sequitur, contemptum spernit, ubique  
Molliciem venatur, & abnuat arma laboris.  
Cynica pera facit securum viuere, & extra  
Sumptum: nam populus largitur plura petenti  
Quàm possit rapido quisquam consumere ventre,  
Præsertim cum dira famēs per regna vagatur:  
Tunc etenim frustum pluris diuendere nouit  
Quàm queat integrum florenti tempore panem:  
Plus donatur ei panis quàm deuorat unquam:  
Lucrosa illius pannis est obsita vestis,  
Vt non cogatur victum cultumue parare.  
Sic ditare solet mendicum publica clades,  
Sic cadit in strictos seruata pecunia casses:  
Sic magnas corradit opes mendicus auarus  
Qui seruare stipem populi consuevit in arcto,  
Exiguum exiguo cumulans dum fiat aceruus.  
O viinam reges terræ qui sceptrâ gubernant,  
Hoc onere exonerent terras per vincula laboris.*

Propter



MENDICI AVARI.

Propter frigus piger arare noluit: mendicabit  
ergo æstate, & non dabitur illi.

*Proverb. 20, 4.*



*Ne des mendico perfrictæ munera frontis:  
Des inopi in vicos quem vetat ire pudor.  
Illos ambitio solita est saturare potentum.  
Hic iacet, & tandem, dum pudet vsque perit.*

MENDICI

MENDICI vitam tranquilla perocia in omni  
Nequitia, luxu tetrag, libidine ducunt.  
Nam passim tutò perfricta fronte vagantes  
Rem faciunt nullo sumptu nulloq, labore  
Impenso ingentem, longè vel certius illis  
Qui duram peragunt Christi sub nomine vitam,  
Atque Deum precibus noctisq,ue diésq,ue fatigant.  
Hi sunt sacrilegi qui munera sacra popelli  
Diripiunt, qua quisq,ue Deo Christoq, parauit,  
Credidit & in rectos usus se vertere egentum.  
Hi fuci magno conceita labore vorantes  
Secura populos exugunt arte benignos.  
Hi laqueo digni fures, qui dona piorum  
Absumunt, geni:um placantes munere rapto.  
Ergo etiam multi cernentes talia, vultum  
Auertunt, retrabuntq, manum diuersa putantes,  
Et sua dispensant tanta donaria cura,  
Vt penè ad laqueum veri cogantur egentes.  
Vos decet, ô reges quibus est commissa potestas,  
Finibus ignauos vestris depellere, & istos  
Pistrinis, fossis, remisq,ue addicere fucos.  
Nam constare nequit longum respublica tempus,  
In transgressores cui vincula ferrea desunt.

MENDICI EPICUREI.  
Seruo maleuolo tortura & compedes: mitte  
illum in operationem ne vacet.

*Ecc. 33, 28.*



*Qui semel innocuum deterfit fronte pudorem,  
Mollicie vincit saepe datoris opes.  
Ille solet populi consumere dona benigni,  
Indulgens genio nocte dieq; suo.*

G

NE sint

NE sint mendici, quosdam pudor ipse refrœnat,  
 Quamuis ignavi soleant vitare laborem.  
 Hinc se vel furtis vel dedunt saepe rapinis,  
 Aut desperantes abrumpunt stamina vite.  
 Quos pudet ingentem manibus versare ligonem,  
 Cum latebras sperant, furtis sua corpora pascunt.  
 Ast alij furis nomen vitare volentes,  
 Ut non mendicent, rapiunt, grassantur, & atra  
 Cade parant ventri quæ donent rapta voraci.  
 Qui neque furantur, neque vi neque cade trucidant,  
 Sed magis à vitis solido retrabuntur honesto:  
 Illos (cum nolint operari) depudet, atque  
 Aut furere incipiunt, aut collo necere funem;  
 Aut gladium, putcum, laqueum meditantur, & inde  
 Ordiri properant æternæ stamina mortis.  
 At quanto satius paterentur dedecus ingens,  
 Ieiunamq; famem, quàm sic morerentur iniquè.  
 O Deus ignavis tantum defende periculum;  
 Aufer eis animum furandi; tolle superbam  
 Mentem, qua rapiunt, spoliant iugulantq; latronum  
 In morem: clemens illis tua gratia dextram  
 Porrigat, æterna percant nè morte subacti,  
 Cum desperantes vitam profundere pergunt.

PAUPERES

PAUPERES MALEFICI.



*Ignauum placide nimium tractare solemus  
Corpore qui valido scindere posset humum.  
Hinc nimia exundat nebulonum copia passim,  
Qui furtis vexant, cade bonosque necant.*

C 2

SVNT

SUNT aliqui vera qui paupertate laborant  
 Proclives in opus, quos non ignavia tardat,  
 Sed fortuna parum radiis aspiculat amicis:  
 Hi digni quorum populus miserescere posset.  
 Multa domos struxit locupletes turba potentum,  
 In quibus aegroti muti, surdique fruuntur  
 Hospitio: sed nulla domus constructa patescit  
 His quibus aduerso succedunt omnia lapsu.  
 Hi quamuis sese sudoribus usque fatigent,  
 Noctes atque dies quæstum venentur, & intra  
 Pellem se teneant; tamen haud lucrariæ vnquam  
 Vel tantum possunt, valeant quo tollere prolem  
 Vxoremq; suam. Cum nil industria prodest,  
 Ne vel furtiuo vel rapto viuere suescant,  
 Tandem cum sicco commutant pane pudorem.  
 Hos si non teneat mendici mantica dulcis,  
 Sed citò resiliant, victum sudore paréntque,  
 Cum tolerare datur, merito dicemus egentem.  
 Si iusto officio succurrere talibus omnes  
 Festinent, iustasque preces prauertere curent;  
 Haud dubiè illorum verecundia salua maneret,  
 Nec tam magna foret mendicùm turba: proinde  
 Felix qui rectè causam procurat egentum.

Quatenus

VERI PAUPERES.

Quatenus fecisti vni de his fratribus meis  
minimis, mihi fecisti.

*Matth. 25, 40.*



*Barraban absoluunt, Christum sine crimine damnant.*

*Donatur sceleri, vita negata Deo.*

*Pascimus ignavos, iustis alimenta negamus:*

*Quomodo ritè locet munera nemo videt.*

GRÆCAS

O CÆCÆS hominum mentes, quàm pauca requirit  
 Humanae vitæ, si rectè prospicis, usus;  
 Et multus egeant persuasit opinio multis,  
 Non natura, ducem quam quisque sequatur oportet.  
 Illa sitim durumq; famem durumq; recusat  
 Frigus, & hæc modico gaudet depellere sumptu.  
 Fluminis vnda sitim cum vinum deficit, aufert;  
 Esuriam panis, compescit frigora vestis.  
 Hunc seruat natura modum, nil amplius optat.  
 Quodcumque adiicitur, suadet damnata libido,  
 Non ratio. Nam sic quondam vixere Catones  
 Et Curij sola natura lege coacti:  
 Qui nos Christicolæ damnabunt iudice Christo,  
 Quod cum deliciis luxum sectemur inertem:  
 Non ita præcessit cuius sub nomine vitam  
 Ducimus; ille famem perpeffus sapè sitimque  
 Per mundi spinas cælum concessit in altum.  
 Stulta superuacuas fingit persuasio curas,  
 Sed paucis contenta viget natura. profecto  
 Ignari non sunt digni qui pane fruantur.  
 Omnibus vnda patet, longos quoque durat in annos;  
 Vestis & exiguo sensim reparabilis are est.  
 Qui manibus tolerant victum noctesque diésque,  
 Quamuis indigeant multis in paupere regno;  
 Non tamen idcirco, quoniam fortuna molestæ est,  
 Despondent animos, contenti sorte laborant,  
 Ac ignaua iurant protensis carbasa remis.

Nihil



QVÆ RES SINT NECESSARIÆ.  
Nihil intulimus in mundum : haud dubium quòd nec  
auferre quid possumus. Habentes autem alimenta  
& quibus tegamur, his contenti sumus.  
*1. Timoth. 6, 7.*



*Si pede sit maior, subuertit, si minor, vrit  
Calceus: equalis conuenit vsque pedi.  
Qui sequitur fastum, nunquam contentus abibit:  
Sed cui conueniet res sua, tutus erit.*

INVENIAS

INVENIAS aliquos qui sumptibus omnia perdant,  
 Vel sua committant incertæ commoda sorti.  
 Invenias etiam qui sollicitudine multa  
 Fulvum defodiant aurum tellure sub ima.  
 Hi sunt qui soleant opibus violenter abuti.  
 Prodigus absumptis in Bacchi pocula rebus,  
 Aut in scorta, coquos, ganeones atque popinas,  
 Pauperie tandem opprimitur, turpemq; profusis  
 Sentit egestatem nummis atque ere redemptam.  
 At quem defossi delectat lamina nummi,  
 Qui colit argentum mage quàm pia numina diuim,  
 Stultitia superat parasangis mille priorem.  
 Corporis hic vires macerat quo crescat aceruus,  
 Et vitam ducit plenam formidine, tantum  
 Intra mensuram viuens vt prodigus extra.  
 At qui fortunas ponti fallacibus vndis  
 Aut aliter temere committit flantibus euris,  
 Est canis Aesopi similis, quem fabula narrat  
 Cum vana carnes umbra mutasse relictas:  
 Nam dum venatur quæstum per saxa, per ignes,  
 Per maria & terras, in fraudem decidit vltro:  
 Dum pro speratis incertus certa relinquit:  
 Pauperiem metuens hora temerarius vna  
 Asssequitur, dum non contentus sorte quiescit.  
 Usque adeo stultis cognata est semper egestas.

Qui diligit

ABVSVS FORTVNARVM  
Qui diligit epulas, in egestate erit: qui amat  
vina & pinguia, non ditabitur.  
*Proverb. 21, 17.*



*Qui supra citraue modum conuiuia tractant,  
Vel temere arripiunt omnia, egere solent.  
Prodigus & stultè temerarius omnia perdunt:  
Sponte sua, condens plurima, auarus eget.*

D

AT frugi

AT frugi medium rectè ferit undique tutus,  
Naturamq; ducem sequitur comitante labore,  
Et cum prudenti dispensat singula cura.  
Ille lucrum semper quarit vigilanter honestum,  
Ex quo desumit quantum natura requirit,  
Quod superat seruans in dura pericula vita.  
Et quamuis hominum tam sit furiosa libido,  
Et tam corrupti mores, vt pluribus omnes  
Indigeant quàm si tecto vel pane vel vnda  
Contenti viuant; tamen & frugaliter omnem  
Instituit vitam, nec prauis moribus ullis  
Urgetur, faciat sumptum quin sorte minorem.  
Ille habet in promptu quæ multis commoda desunt.  
Quis infelices promptè solatur egentes.  
Ille pater felix dominusque & semper abundat,  
Et tutò viuunt casu securus ab omni:  
Et caret inuidia, non morbus vexat inertem:  
Sed puris dapibus contentos exigit annos  
Sobrius, in Christo tranquilla mente quiescens,  
Sic petitur cælum vita feliciter acta,  
Non vt delicias mollesque sequamur amores.

Vita sibi

FORTVNARVM RECTVS VSVS.

Vita sibi sufficientis operarij condulcabitur,  
& in ea inuenies thesaurum.

Eccle. 40. 18.



Qui iuste partis moderatè vivit, & apta  
Quæsitum cura dat quoque pauperibus;  
Ille Deo fidit, virtutem plus facit auro,  
Natura vitam conuenienter agit.

D 2

NON

**NON**, si thesaurum solidi cumulaueris auri,  
Argentive loco massam stipaueris amplo,  
Diuitis appellent homines te nomine vero:  
Sed tua si fuerit nummum satiata cupido,  
Si viuas animo lato, nil amplius optes;  
Diuitis egregium nomen portabis honestè:  
Vera etenim nullis opulencia clauditur arcis,  
Contenti sed eam concludunt scrinia cordis.  
Pauperior Codro, mendico viuit & Iro,  
Cuius amor eliscens nunquam saturatur habendi.  
Plura petit semper stolidi mala opinio vulgi:  
At sapiens modico vitam traducit aceruo  
Contentus latam. Capias ut cuncta libido  
Qua monet, haud homini promptum diuinitus ulli est.  
Deponatur amor rerum quas cura negauit  
Summa Dei humano generi; ne plura petamus  
Quam ratio nostris subiecit viribus: hæc est  
Paupertas animi quæ templa astra scandit.  
Sic verè sanctum factus imitamur Iobum  
Qui possessa facit nihili, deperdita iuxta  
Aestimât, & domino submittit cuncta potenti.  
Sic Christum induimus, sub quo Deus omnia nobis  
Largitur. Christum qui possidet, ille repente  
Diues habet quicquid thesauris conditur usquam.  
O stultos homines, lutulentum quaritis aurum  
Atque Deo præferitis opes. Vilissima rerum  
Præcludunt vobis caelestia templa Tonantis.

Sint mo-

QVID OPULENTIA.

Sint mores sine avaritia, contenti presentibus:  
ipse enim dixit, non te delectam  
neque derelinquam.

*Hebr. 13, 5.*



*Vulgari dicto populi bene diues habetur,  
Contentus vivit qui bene sorte sua.  
Sit tua fors Christus, ditaberis atque repente;  
Et propter Christum cuncta putabis acus.*

QVI

*Qui superare modum sumptu contendit, & ultra  
 Fortunam, reditus, quæstum conuiuia tractat,  
 Vel sua cum scurris, lenonibus atque magiris  
 Consumit, donatæ feris patrimonia scortis,  
 Crede mihi, tandem vesanos propter abusus  
 Sentiet ærummas commisso crimine dignas.  
 Ille gula furatur opes, quas nomine Christi  
 Possidet ut donet cœu dispensator egenis.  
 Sobus quippe vorat tantum perditq; rapaci  
 Gutturæ quo senos aliter toleraret egentes.  
 Hinc oritur, pœnas quare dependat in orco  
 Diues; at in gremio contri despectus ab ipso  
 Nichoridæ molli requiescat pace solutus  
 Lazarus. O qualem tu luxurioso talenti  
 Reddes absumpti rationem, si Deus olim  
 Exiget vsuras seruata sorte lucratas!  
 Scilicet immensas letho dabis improbe pœnas  
 Atque adedò hic etiam dum vita superstes, egebis,  
 Et durum patiere famem, contemptus ab ipsis  
 Qui tecum, sociis, vixerunt turpiter olim.  
 Tum reuocare vobis transactos nequiter annos;  
 Sed frustra; eternum viuet sub pectore vulnus:  
 Corrupti luxu mores tua corda perurent,  
 Conscia mens lapsa recolet cum tempora vitæ.*

Vacantes



PRODIGI.

Vacantes potibus & dantes symbola, confumentur.

*Proverb. 23, 2.*

Qui nutrit scortum, perdet substantiam:

*Proverb. 29, 3.*



*Quid mirum, fundos si prodigis enormat haustos:  
Illos comminuit faucibus antè suis.*

*Gracari solitum tandem dinexat egestas;*

*Qui vel pauperibus danda alimenta vorat.*

*Qui plus*


*QVI plus quàm satis est nummorum seruat in arca,  
Quisq. facit sumptum hauda pro sorte minorem,  
Atque magis cista, quàm ventris commoda quarit;  
Diuitias prius ille suas commendet arena  
Quàm stomacho, sitiet potius quàm sumet Tacchum,  
Atque famem duram patietur sordidus. (hæc est  
Vilis auaritia pietas; tam iusta repondit  
Præmia: vix donat fidis alimenta ministris)  
Officium nulli præstat, quin plura reposcat;  
Quod datur ingratus signo concludit & arca:  
Auri spem fuluo sperat sedare metallo.  
Sed frustra lignis flammam sedaueris ignis.  
Stultus Alexander totum deuicerat orbem,  
Diuitis atque Asia populos subiecerat, omnes  
Thesauros Arabum cumulauerat, undique tutus  
Quid facit audito plures extare triumphos  
Alterius mundi? locuples tristatur, & ardet  
Alterius mundi mundo glomerare decorem:  
Nam putat exiguum quod possidet, altera poscit:  
Non aliter quàm qui consumitur hydropè diro,  
Semper poscit aquam quamuis exhauserit urnam.*

Vir cui

A V A R I.

Vir cui dedit Deus diuitias, &c. nec tribuit ei  
potestatem Deus vt comedat ex eo, sed  
homo extraneus vorabit illud.

*Eccles. 6, 2.*



*Semper auaritia studium insatiabile macra:  
Crudelis miseris est famulisque suis.  
Quarit opes quarum locuples & pauper abundat:  
Eius diuitias tinea saepe vorat.*

E

PRODIGVS

PRODIGVS & nummi nimium seruator auarus,  
Stultitia à vulgo plerumque notantur: at illum  
Qui citra vires patrimoniù viuuit, & ultra  
Vsum plebeium conuiuia splendida tractat,  
Vt simul haud pereat, sed sensim crescat aceruus,  
Ceui bene prudentem totius laudauerit orbis.  
Nam neque sollicitè nimium patrimonia seruat,  
Nec temere nimium consumit (vulgus ut inquit)  
Sed contemnit opes tanquam sit plenus earum,  
Viuere & instituit Epicuri more beatum.  
At Deus hunc stolidum profatur, temporis huius  
Incundum vitæ æternæ qui preferat vsum.  
In terra condit thesauros furibus atque  
Blattis: maiori cum sedulitate laborat,  
Quo cistam vacuum nummis, vel compleat ollam,  
Quàm quo fœdatos mores virtutibus ornet.  
An non Anticyra dignus, qui stultus honores  
Stultarum sectatur opum, quas pluri amat, quàm  
Templa poli summo quæ stant constructa Tonanti?  
An non Anticyra dignus, qui corpus honorat,  
Corporis & dominam patitur vilescere mentem?  
At facit hoc mundi sapientia, diligit aurum,  
Curat opus, seruit nummo, quia nummus honorem  
Atque voluptatem largitur sæpè ministro.  
Nemo caelesti construxerit horrea messi:  
Quisque diem nummo, Iouæ sed commodat horam.

Vbi thesau-

SAPIENTES MVNDI.  
Vbi thesaurus vester est, ibi & cor vestrum erit.  
LUC. 12. 34.



*Horrescit mortem venientem diues, in auro  
Qui fuluo miseram spernq, fidemq, locat.  
Ille prius terra nigro condetur in orco,  
Auri quàm terra gnauiter vsuseris.*

E 2

Hic

HIC stultus mundi sapiens consuevit abuti  
Stultè diuitiis, dum vel deperdere multum,  
Vel seruare solet. Mores regionis & alma  
Delitia carnis faciunt complurium egentem,  
Aut sumptu nimio diffundere multa proteruum:  
Contra, ceu diuam cui fidat, seruat, & usque  
Mammonam sequitur, vicinum ut spernat egentem,  
Et nihili curet, moriatur frigore, an acri  
Esurie pereat, nummi modo suppetat vsus.  
Vtor, ait, propriis, collecta pecunia nostra est.  
Non sum vinosus, non belluo, vino modestè:  
Quod superat, seruo, serisque nepotibus abdo.  
Quem meus hic sumptus vel quem custodia ledit?  
Non tuus est nummus: Dominum se Ioua reclamation;  
Custodis domini ceu quæstor serue talentum.  
Si tu luxurie male sanæ impendia vites,  
Pauperibus donare potes quæ fercula perdunt.  
His succurre tuis rebus si parcere gestis:  
Non posses vnquam melius seruata locare.  
Est gratum Christo quicquid donatur egenti  
Vel minimo. Cum tu perdis luxuriam, talentum  
Diffundis nimio, vel cum diffidis, & arcam  
Complex, vicinum pateris quoque strenuè egere:  
An non est sumptus tuus & custodia abusus?

In præsentia

RERVM INIQUA DISPENSATIO  
& conseruatio.

In præfenti tempore uestra abundantia  
illorum inopiam suppleat.

2. Corinth. 8. 14.



Superfluitas

Voluptas carnis

17

Quisque sonat Christum factis quem denegat: omnis  
Lingua Deo fedit, quem cor adesse negat.  
Vita places cumulantis opes, si splendida, vulgo:  
At stolidum sapiens hunc ait esse Deus.

SUMPTVS

SVMPTVS opum nimius, quem rerum gignit abusus,  
 Victu vel cultu nimis, vel constat utrisque.  
 Hæc tria ceu diuas sectatur quisque libenter,  
 Lumina quo pascat, ventrem vel curet inertem,  
 Vel magno rerum multarum splendeat usu.  
 Luxuries lautè viuit, queritq; per orbem,  
 Per mare, per terras quo ventrem placet hiantem:  
 Hinc qui largus erat, fit tandem tristis, & ultra  
 Quàm par est, miseris durè responsat egenis.  
 Sed quid agit sumptu, quid querit in aère & unda?  
 Escam venatur, qua se putat esse beatum;  
 Sed stolidè, velut ore Anyti reus extulit olim.  
 Nam quicumque solet sic irritare palatum,  
 Lautitiis gustum sedare, replere saburra  
 Ventrem selecta, licet est ditissimus ille:  
 Attamen hand fieri poterit quin spernat egentes.  
 Intestina cibis variis dum tendit, Iesus  
 Esurit atque sitit contempto cum grege Christus.  
 Ille quidem credit Iouam tardare, sed errat:  
 Namque etiam hic misero vexatur sæpè dolore,  
 Dum supra vires vinum deglutit & haurit;  
 Vnde oritur stomachi vitium quo nauseat, horret,  
 Fastidit, donec mersa de naue saburram  
 Decodis aliquis demat Podalirius herbis.

In multis



VITA LUXVRIOSA.

In multis escis erit infirmitas, &c. propter crapulam  
multi obierunt : qui autem abstiniens  
est, adiiciet vitam.  
*Ecc. 37, 33.*



*Qui sua dat ventri miseris qua tollit egenis,  
Sublatus morbis in Phlegethonte iacet.  
Qui pellem curat, nunquam solet esse benignus,  
Christo procurans esuriente gulam.*

EXPENSAS


EXPENSAS etiam cultus præclarus adauget:  
Pellibus eximius vel molli vellere Serum  
Excludit Christum formosa veste carentem:  
Vestitu nimio vulgi venatur honorem:  
Et frigere sinit Christi pia membra dolentis,  
In se spectantium quo lumina plurima vertat.  
At quanto satius nudos vestiret egentes  
Impensa, quam nunc in bysso & murice perdit,  
Ne tandem infelix diues trabeatus vi olim  
Contempti pœnas nudi dependat in orco.  
Quamuis ignorent homines, ô tristis abusus  
Quàm perdis multos oculorum propter honorem!  
Denudas Christum, quo gemmis clarus & auro  
Emineas, variè baccata monilia gestes;  
Purpura & insignem faciat vel penna volucris.  
Hinc tua picturis, simulacris atque tapetis  
Insumis: pulcher, si Iouæ simia vultum  
Aut vestem pictor referat, quæ fulgeat ostro.  
Quidnam, stulte, iuuant hæc te ludibria vanum?  
Audi quid Christus postrema voce loquatur;  
Qui te non fallit, sed verum fortiter ipsum  
Afferit; in summa veniet cum nube decorus,  
Si non vestra teget scelerata superbia nudos,  
Nudus eram, dicet, vos deseruistis inermem,  
Aeternis à me damnati cedite flammis.

In die

VITA ELEGANS.

In die illo auferet Dominus ornamentum calceamentorum & lunulas, &c. & erit pro suavi odore foetor &c.

*Esai. 3. 18.*



*Omnes ostentant, quo seruant corpus, amittunt  
Antea quem pardus vel piasit ouis. |  
Et nisi sic faciant, nullo videantur honore  
Digni. Sic nudant. Christe benigne tuos.*

F

QVI

QVI cupiunt magni mortales inter haberi;  
 Hos tanquam seruos vesana superbia ducit.  
 Regifico luxu priuatus construit aedes;  
 Illius aſt animus faetet ceu putre cadauer.  
 Buſtum munditijs ornat, purgatq; viciſſim:  
 Non tangenda latet vitiorum lerna ſed intus.  
 An non hic vſus rerum damnatus abusus?  
 Aedificat quicumque caſas vigil. inter egentum,  
 Ille in corde Deo pergratam dedicat aedem.  
 Vnusquisque ſibi prætoria grandia condit;  
 At caput auguſtum Chriſtus quo forſè reclinet,  
 Non habet. En ſeruus ſublimis in atria ſcandit:  
 At iacet in ſtabulo dominus cum bobus & apris.  
 Quæ ratio? tua cur excelsis alta columnis  
 Stat domus? an non mors etiam ſublimia tangit?  
 An non ſapè domum magnam crux magna fatigat?  
 An non & domino famulorum turba moleſta eſt,  
 Cum videt ante oculos conſumi nequiter acri  
 Quæ cura ſeruat patrimonia nocte dièque?  
 An non triſte canes, buteones atque caballos,  
 Perdere quo poſſent multi, vixiſſe clientes?  
 Quid prodeſt domino tam ſplendida vita? relinquet  
 Omnia: nil præter victum vcl præter amictum  
 Auferet: ingeminat curas ſibi copia rerum, &  
 Peccando pœnas peccati ſentit acerbæ.

Videſne

VITA SPLENDIDA.

Videsne quòd ego habitem in domo cedrina, & arca  
Dei posita sit in medio pellium?

2. Reg. 7. 2.



Superbia

20

*Plus canibus lauti præbent nitidisque caballis,  
Quàm membris Christi, quæ simulachra Dei.  
Quæ reserant magnis occludunt ostia parvis.  
Christus eis claudet templa serena poli.*

F 2

S I IONA

S I Iouæ seruit tellus, & quicquid in illa est,  
An non mortales furaci mente laborant,  
In terris audent proprium qui dicere quicquam?  
Qui: quid habent aliunde venit, descendit olympos:  
Est Iouæ donum: non est cur asserat ullus  
Ceu proprium; cuius voluit Deus esse ministros  
Questoresque, piis vt dent alimenta fideles:  
Nemo suum fraudat genium. quis pascit egenos  
Reliquiis quæ de mensa locuplete supersunt?  
Omnes Christicolæ gaudemus nomine dici:  
At quis eum præstat quem postulat Christus amorem,  
Pascat uti micis satur & bene pastus egentes?  
Sed cur Christicolas, queso, nos esse putemus,  
Reddere cum nostrum Christo sua quisque recuset?  
Ioua viatores passim per compita mittit:  
Exigit usuras, non sortem, quas dedit ipse.  
Postulat luxuriæ tantum quæcunque supersunt.  
Nemo audit; surdas miseris obuertimus aures,  
Et furibus Christum malè grati excludimus ipsum.  
Christum defraudat qui nummos stipat in arca.  
Quod faciunt omnes hodie, furantur, egenis  
Quæ debent, veluti quondam furata Gomorraha est.  
Ioua quidem clemens, sed & idem iustus habetur.  
Qui non largitur miseris clementer egenis,  
Indignus Iouæ pia quem clementia seruet.

Iniustè

INIUSTA RERVM CVSTODIA.

Iudicium sine misericordia illi qui non  
fecit misericordiam.

*Jacob. 3, 13.*



*Iniuste seruat luxus iniusta libido:  
Horrea quàm seruos plus facit illa Dei.  
Cor, nummos, aures querulus obturat egenis:  
Flexuram credis voce querente Deum?*

INIUSTE

INIVSTE custodit opes qui claudit egenti  
Ostia, quo natis lutulentum congerat aurum,  
Et demonstrat eis magnum, quo captus, amorem.  
Ut placeat natis, manult offendere calum.  
Sed quis amor natum spinas qui collocat inter,  
Spinas quæ mergunt diuini semina verbi?  
O cæcum, nato laqueos qui ponit, amorem!  
An quisquam puero gladium commendet? an illi  
Indomitum conquirat equum quo nesciat vti?  
Senior indomitis opulentia magna caballus,  
Indomita frangit ceruices sapè iuuentæ,  
Dum nimis indulgens vitiiis fomenta ministrat.  
Durum conquerimur callem qui ducit in astra:  
Illum diuitiis nato facis asperiores.  
Ingreditur siquidem locuples in limina celi  
Tam facile ut per acum facile est transire camelum.  
Debita pauperibus cista qui claudit acerna,  
Quo natum ditet, nato quoque sidera claudit.  
Quisque suum manult nummis gestire nepotem,  
Aut fastu clarum tumidos præcedere fasces,  
Quàm pietate grauem, qua semper & vilis vsque est.  
Quisque suis timidè patrimonia magna relinquit,  
Ut locupletet eos, stultè quo viuere possint.  
O mores hominum corruptos, omnia parent  
Stultis diuitiis. potius confidite Iouæ.  
In se fidentes non deserit ille, nec vnquam  
Mendicare sinit iustos vel semen eorum

Qui dat



LIBERALITAS COERTEVR VT  
*dicitur haes.*

Qui dat pauperi, non indigebit: qui despicit  
deprecantem; sustinebit penuriam.

*Proverb. 28, 27.*



*Diffidens Domino cumulat patrimonia nati:  
Et multos, cupiens plurima, egere facit.  
Confidit nummis posita quos seruat in olla:  
Ore Deo psallit, corda sed are fouet.*

NOMINE

NOMINE qui Christum sequitur vitamq; modesta;  
Is parcè insumit, largitur multa benignè;  
Seruat prudenter quæ sunt congesta labore,  
Quo sibi, quo natus, quo cunctis utilis atque  
Pauperibus viuat. Magno discrimine frugi  
Vnicuique suum præstat, quem debet, amorem.  
Ipse intra sortem sumptum facit, atque agit intra  
Communes vulgi rationes ordine vitam.  
Luxuria ramos feliciter amputat, atque  
Sarmentis inopes pascit quos nouit ab usu.  
Pauperiem fratris præsentem plus facit, atque  
Incerto gnati cladem quandoque futuram.  
Immo etiam motus miserorum sapè querelis  
Esuricem patiturq; sitim, ieiunat & orat,  
Vt queat exhaustos solari munere egentes.  
Contrà cum cernit multos prætexere falso  
Pauperiem, rebus florentibus atque secundis  
Venturam metuit post dura pericula sortem.  
Quod superat, seruat prudenter, & ordine condit  
Vxori, natis, sibi, verum ante omnia Iouæ.  
Tristatur quòd non veniat cui donet, egerus;  
Collocet vt Domini commissum ritè talentum.  
An non hic Rex est, an non regaliter isse  
Viuat, qui cunctis prodest, & non nocet ullus?  
Scilicet usus opum rectus, quem quarimus, hic est.

Qui semi-

D I V I T I A R V M   R E C T V S   V S V S .

Qui seminat in benedictionibus , de  
benedictionibus & metet.

2. Corint. 9,6.



At pius à Christi verbis & nomine pendens,  
Ieiunat, miseris largus-ut esse queat  
Certus enim natos seponere posse parentem:  
Nunquam sed Dominum posse fugare suos.

G

Si quis

*Si quis mansuetus rectum contempserit usum,  
Cancellus quoniam pressus constringat & arctis;  
Audiat is secum quidnam natura loquatur.  
FAC ALII prestes quod vis tibi praestet ut alter.  
Quis non à sano bene diuite postulat, uno  
Vt careat turdo stomachum quo placet hiantem  
Latrantemque fame? quis non sua membra fouere  
Exoptat sumptu, patitur dum frigora & imbres,  
Quem temere effudit palmata veste superbus?  
Si nos hac fieri nobis optamus egeus,  
Cur nos haud aliis prestamus egentibus ista?  
Vt vitulum conflet vilem, fert Israel omnem  
Ornatum: cur tu Iouæ donare recusas  
Dimidium valido quem gestas corpore mundum?  
An metuis ne quis vitio tibi vertat acerbus,  
Quod Iouam sequeris, mores regionis & horres?  
Quin potius metuis venturum in nube serena,  
Ne propter fastum aeterno te mancipet igni?  
Si bene perspicias quantum natura requirat,  
Inuenies sumptus temere te perdere multos,  
Qui possent seruare domum consultius amplam  
Pauperis exiguo genium qui placat aceruo.  
Sint parui sumptus, tecum latentur egentes:  
Dona manu larga confer tua: plurimus inde  
Proueniet fructus caeli cum templa subibes.*

**Quoniam**

SYMPTVVM MINVTIO VT LIBERALITAS AVGEATVR.

Queniam propter vos egenus factus est, cùm esset diues,  
vt illius inopia diuites effectis. 2. Corint. 8, 9.

Qui habet duas tunicas, det non habenti.

LUC. 3, 11.



*Optimus ille Deo similem qui praestat amorem,  
Ut fiat pauper, factus ut ante Deus.  
Imminuit sumptum luxus quo donet egenis,  
Ut largi illustris fiat imago Dei.*

G 2

OMNI-

OMNIPOTENS summo venturus tempore Iudex  
Peruigil inspiciens quid quisque agat aut patiatur,  
Reddet pro meritis operum sua præmia cuius:  
Leta probis, contrà tribuendo tristia, prauis.  
Quanto homines igitur bene viuere, quàm malè, præstat,  
Cum vita functum merces sua quemque sequatur.

1 Si premitur dura quis paupertate, labori  
Se dedat gnauus; malefacta, atque ocia vitet:  
Utatur patiens partis: ita tristis egestas  
Et sceleri procliuis, ei nil victa nocebit.

2 Qui parcè, quo viuat, habet; parcè quoque sumat:  
Sortes, atque epulas horrescat; non sit auarus:  
Infamem fugiat quæstum: parcat moderatè,  
Confidatq; Deo: sic usum adhibebit honestum.

3 Dives auaritiã deuitet perfidiãmq;:  
Viuas diuitiis condendis comparet arcas,  
Quas neque vermis edax, neque fur corrumpere possint.  
Sic vtens opibus, Christi mandata capeisset.

4 O quàm leta piarum horum vox vltima ad aures  
Perueniet: Vos huc electi patris adeste.  
Rebus abutentium penetrabit pectora vocis.  
Horror postrema: Procul hinc vos ite profani.

Tunc

Tunc dicet his qui à dextris erunt, Venite benedicti Patris  
mei, possidete paratum vobis regnum: &c. Illis verò  
qui à sinistris, Discedite à me maledicti  
in ignem æternum, &c.

*Matth. 25.*



*Diues inopsque simul patienter ferte laborem,  
Ut detis vigili parta labore piis.  
Sic ut oves Christum venientem in nube feretis,  
A me cum fuci dicet abite mali.*

F I N I S.

S V M M A P R I V I L E G I I .

P H I L I P P I *Hispaniarum Regis &c. Privilegio cautum est, ne quis alius præter Christophorum Plantinum, hunc libellum De rerum usu atque abusu, intra decennium imprimat, aut alibi impressum in suas ditiones importet, venalemve habeat. qui secùs faxit, pœna fisco Regio exsoluenda multabitur: ut latius in Regio diplomate expressum est, Dato Bruxella xv. Nouemb. M. D. LXXIIII.*

*Subsign.*

I. De Perre.

A P P R O B A T I O .

Hic libellus De rerum usu atque abusu, doctè & compendiosè conscriptus est, & pueris & senibus utilis, in quo nihil continetur quod sanctæ Catholicæ Ecclesiæ Romanæ religionem offendat vel bonos mores.

*Ita est Henricus Dughen Canonicus  
Antuerpicus. S. Theolog. Doct.*













